

幽人無所好縱履向亭遊對雪敲詩句當軒散
酒籌青山橫野岸綠水映星樓興至忘歸晚天
邊月一鉤

海角亭落成

李炳

角名珠海撐天表吏有循良又鼎新蒼翠一漣
凝皓月玲瓏八面宿鮫人縱觀漫擬凌雲賦適
意徐收釣石綸萬折歸趨已不遠會心魚鳥亦
相親

海角亭次韻

陳良燦

北直人乾
體遊戎

兩岸沙堤全不改一亭沙畔忽然新誰爲高閣
尊文帝我到邊庭有主人山鳥去來能解語水
光搖蕩足投綸臨流莫訝清酤少相對微醺自
可親

雨中登恬波樓次韻

劉世貴

雨漲江流急臨流懶舉杯客醒懸世路好鳥避
山隈古刹疎烟護平沙錦浪堆恬波何取義登
眺重徘徊

和雨中登恬波樓

觀瀾
原韻

池鳳翼

福建人韻
州別駕

何意還珠地乘秋共舉杯集賢馳玉側訪勝過
城隈雨急風濤壯潮迴島嶼堆波恬堪爾羨登
嘯共翔徊

海角亭成次韻

許青

福建人鎮
標參戎

名勝猶存竹木環明珠搖落在江間交州此去
無多路西水頻來有幾灣地近折蘆堪玩俗人
疑登岸卽深山鼎新點綴風光遠載酒看花日
往還

送司理郭公陞戶部

裴玠

欲附輿情太史篇陳詩不諱萬人傳今當應名
推車日憶昔披荆出牧年雲幃天南迎福曜風
恬海角誦時賢芳聲不俟山公啟德懋懋官理
所然

其二

使君文學振南宮三尺攜來氣若虹炎海霜清
沉貫索寒巖日煖感元工蒲鞭月上懸秋肅肺
石風前照晚空祥政已迎天子詔輿歌譜入五
雲中

還珠亭

吳興祚總督兩廣部院

此日還珠郡還珠異昔年問珠歸何處滄海竟
茫然波冷三更月池荒一片煙前賢畱勝跡莫
謂語空傳

韓作棟

肇高廉羅道

還珠曾幾許珠去自何年九品於今在三池豈
渺然團圓光映月迢遞水蒼煙從此還珠郡前
賢不獨傳

佟國勦

遼東人廉府太守

珠官稱古郡珠起自何年消長雖難測往還豈
徒然揮毫題舊跡憑目問荒煙從此南陬外仁
聲可並傳

張令輔
閩中人
廉郡丞

曾問還珠事皆云漢帝年一時遺勝跡千載尚
悠然圓缺鮫宮月蒼茫海市煙星輶題咏後荒
徼並流傳

仙人井旁有仙人掌跡
韓錦
靈山令山
西蒲州人

石井依巖一竇開銀瓶不見汲泉回爪痕畱在

青苔上曾否麻姑到此來

石龍潭禱雨

唐開運

靈山令可南人乙未進士

炎氣薰蒸四野同行來祈雨仗神功懸崖古洞
畱仙跡絕頂高峯接碧空漫說日中無膏雨却
疑石下有金龍山靈若解勤民意願藉甘霖答
聖衷

廉州府志卷之十四

知廉州府事紀錄十次襄平徐成棟纂修

同知廉州府事加三級嘉禾孫燾校正

合浦縣知縣現奉行取高陽韓三異

欽州知州遼陽董紹美

合浦縣知縣遼陽鈕廷彩

靈山縣知縣沈丘唐開運

外紀志

志以外稱外之也神祀崇而人民惑司世教者闢之可也而反紀者獵較之意也仙釋相傳安南鄰徼舊志紀之遺事雖未見經傳亦

博物者所不棄也故附焉志外紀

元妙觀

在府治南城內宋元祐四年建嘉靖十七年知府張岳以觀地易爲府學

移觀于海角亭左後改復南門內孟公祠前大學士彭時爲記

東山寺

在府治東半里卽南越昌符間靈覺寺故址年久圯壞萬曆二十九年重

修圓覺堂卽東山寺前堂萬曆二十九年本府同知涂巍鼎建時寺中無田因無僧守次年署府篆置糧米二石一斗六升零土名老田橫江丹田底僕邨留祠楊梅埭等處及寺前置店賃租贍僧嗣因兵燹將圯康熙十一年知府徐化民率屬捐貲葺復康熙二十六年知府佟國勳同知張輔捐俸重修有碑記

淨行院

在興廉村今廢宋蘇軾南謫時宿此有詩芒鞋不踏利名場一葉輕舟寄

渺茫林下對床聽夜雨靜無燈火照淒涼
荒涼海南北佛宇如雞栖忽此榕林下
跨空拱禪枰當門列碧井條我兩足泥高
堂磨新磚洞戶分南圭倒床便耳寢鼻息
如虹霓僮僕不肯去我爲半日稽晨發一
葉舟醉兀千里溪醒來知何處歸路老更
迷

李家寺

在進城鄉四畝荆置無攷嘉靖己丑
同知章諍以賑饑至此重修今廢

東嶽廟

在東門外萬曆二十九年內監李敬
建指揮孫尚道督崇禎九年海北道

張國經重建記畧云地之貴賤在龍龍之
貴賤在峽此郡自大廉作尊星於艮方透
迤百餘里支節環抱起起伏俱爲衍沃寬平
之勢今郡城入首少一高峯以應主星是
地力頗柔則峽宜有扶護因于過脉之處
左太岳廟右東山寺飛甍隆棟以翊之柔